

आकाशवाणी

खास-खास खबरां:-

- भारत ते न्यूजीलैंड बशकार ऐतिहासिक मुख बपार समझौते एफ.टी.ए पर गल्लबात मगरा- भारत आसेया न्यूजीलैंड गी निर्यात कीते जाने आहले माल- समेयान पर कोई शुल्क नैई लगगो।
- इस बरे नवम्बर महीने च 8 प्रमुख उद्योगें दे संयुक्त सूचकांक च- पिछले बरे इस्सै महीने दी तुलना च इक इशारिया 8 फीसद दा बाददा होआ ऐ।
- मुख्य भरै च इस बरे अजे तगर 580 लक्ख हैक्टैयर थवां मते दे क्षेत्र च- रबी फसलें दी रड़ कीती गेई ऐ- आखेया राई-बाई मंत्रालय नै।
- संयुक्त राष्ट्र दे महासचिव होरें बांगलादेश च अल्पसंख्यकें पर बद्दी हिंसा पर चिंता जाहिर कीती।
- महिला क्रिकेट च भारत ते श्रीलंका बशकार 5 मैचें दी टी-20 श्रृंखला दा दुआ मैच अज्ज विशाखापतनम च खेडेया जाग।

<><><><><><>

IND NZ- FTA

भारत ते न्यूजीलैंड बशकार ऐतिहासिक मुक्त व्यापार समझौता-(एफ.टी.ए) पर गल्लबात मगरा भारत आस्सेआ न्यूजीलैंड गी निर्यात कीते जाने आहले माल पर कोई शुल्क नैई लगोग। एह मुक्त व्यापार समझौता न्यूजीलैंड च भारतीय निर्यात आस्तै बाजार तगर पुज्ज ते शुल्क स्हाबै तरजीह दी बदान्दा ऐ।

ते व्यापक ओशिनिया ते प्रशांत द्वीप बाजारें आस्तें इक प्रवेश द्वार दे तौर पर कम्म करदा ऐ। एह मुक्त बपार समझौता दोन देशें बशकार निवेश सांझेदारी गी टकोदे तौर पर मज़बूत करोग। इस समझौते दे हिस्से दे तौर पर न्यूजीलैंड नै अगले बरें च 15 भारत च 20 बिलियन अमरीकी डॉलर दा निवेश करने दी प्रतिबद्धता जताई ऐ।

<><><><><><><>

Govt 8 Core Index

इस बरे नवंबर महीने च 8 प्रमुख उद्योगें दे सांझे सूचकांक च पिछले बरे इस्से महीने दी तुलना च इक अशारिया 8फीसद दा बाददा होआ ऐ। उद्योग ते बपार मंत्रालय नै आक्खेआ ऐ जे सीमेंट, स्टील, हैल ते कोयले दे उत्पादन च नवंबर महीने च सकारात्मक बाददा दर्ज कीता गेआ ऐ। मंत्रालय नै दस्सेआ ऐ जे इस बरे नवम्बर महीने च पिछले बरे इस्से महीने दी तुलना च कोयला उत्पादन च दो अशारिया इक प्रतिशत, हैल उत्पादन च अशारिया 5 छह प्रतिशत, सीमेंट उत्पादन च 14 अशिराया पंज प्रतिशत ते इस्पात उत्पादन च 6 अशिराया इक प्रतिशत दा बाददा होआ ऐ।

<><><><><><><>

Rabi Crops

मुख्य भरै च इस बरे अजें तगर 5 सौ 80 लक्ख हेक्टेयर सोयां मते क्षेत्र च रबी फसल दी रड़ कीती गई ऐ- जेड़ी पिछले बरे दी इस्सै अवधि दी तुलना च लगभग 8 लक्ख हेक्टेयर मती ऐ।

राई-बाई ते करसान कल्याण मंत्रालय नै इस महीने दी 19 तरीक तगर रबी फसलें तैहत कीती गेदी बुआई दी प्रगति दी रिपोर्ट जारी कीती। मंत्रालय नै दस्सेआ जे पिच्छले वरे इस्सै अवधि दौरान 3 लक्ख हेक्टेयर दी तुलता च इस बरे कनक दी रड़ 301 लक्ख हेक्टेयर सोयां ज्यादा दी जमीन पर होई ऐ। उ'ने दस्सेआ जे 126 लक्ख हेक्टेयर च दाल दी रड़ कीती गई ऐ। जिसलै कि मूंजी दी रड़ च 13 लक्ख हेक्टेयर सोयां ज्यादा दा बाद्दा होआ ऐ।

<><><><><><>

Govt Health

सेहत ते परोआर कल्याण राज्य मंत्री अनुप्रिया पटेल होरें आक्खेआ ऐ जे पिच्छले 11 बरें च प्रधानमंत्री नरेन्द्र मोदी हुन्दी अगुवाई च देश दे सेहत सेवा सरबन्धी हालात च बडा मता बदलाव आया ऐ। उ'ने आक्खेआ जे सरकार नै बुनियादी सेहत प्रणालियें सोयां लेईऐ सारी सेहत सेवाएं गी मजबूत करने आस्तै केई सारे जतन कीते न। उ'ने कल नमी दिल्ली च वर्धमान महावीर चिकित्सा महाविद्यालय ते सफदरजंग अस्पताल दे 7में दीक्षांत समारोह गी संबोधित करदे होई आक्खेआ जे सरकार दा मकसद सारे आस्तै गुणवत्तापूर्ण सेहत सेवा गी सखल्ला ते किफायती बनाना ऐ। उ'ने आक्खेआ जे सरकार जरूरतमंद ते गरीब लोकें गी आर्थिक सहायता देने आस्तै केई योजना चला'रदी ऐ। केंद्रीय मंत्री होरे दस्सेआ जे आयुष्मान भारत-पी.एन.जे.ए.वाई योजना तैहत 62 करोड़ लोकें गी 5 लक्खरुपे तक दी मुफ्त सेहत सेवा प्रदान कीतियां जा'रदियां न।

एह दुनिया दी सबने थवा बड़्डी सेहत बीमा योजना ऐ। उ'नें आक्खेआ जे प्रधानमंत्री जन औषधि योजना ते अमृत फार्मसी जनेई योजना गै किफायती दरें पर सेहत ते चिकित्सा उपकरण उपलब्ध करोआ'रदियां न।

केंद्रीय मंत्री अनुप्रिया पटेल होरें दस्सेआ जे देशै च चिकित्सा महाविद्यालय दी गिनतरी 387 सोयां बलिए 800 सोयां मती होई गई ऐ। जिसलै कि एम.बी.बी.एस दियां सीटां 51 हजार सोयां बलिए इक लक्ख 28 हजार होई गईयां न। श्रीमती पटेल होरें दस्सेआ जे मुख्य भरै च इक लक्ख 78 हजार सोयां ज्यादा आयुष्मान आरोग्य मंदिर बी कम्म करा'रदे न।

<><><><><><>

WB SIR Hearings

पच्छिम बंगाल च मतदाता सूचियें दी नमें सिरेया नजरसानी आहले विशेष अभियान SIR दे पैहले गेड़ दी सुनवाई दौरान चुने गेदे लगभग 32 लक्ख मतदाताएं गी सददेया जाग। राज्य दे मुख चुनां अफसर हुं'दे दफतरै दे अधिकारियें जानकारी दिती ऐ जे इस गेड़ दौरान कुल 31 लक्ख 68 जहार 424 ऐसे मतदाताएं दी पंछान कीती गेदी ऐ- जिनेंगी सुनवाई लेई सददेया जाना ऐ। चुनां दफतर दी जानकारी मुजब 2002 दी मतदाता सूचि च जेहड़े मतदाता अपने नां दा मेल अपने परोआर दे जीएं कन्नै नेंई करी सके- उस श्रेणी दे ऐसे मतदाताएं दी सुनवाई 27 दिसम्बर गी शुरु होग।

उ'नें आखेया जे एह कारवाई जिला मैजिस्ट्रेट दफतरें- एस.डी.एम. दफतरें- बक्ख-
बक्ख सरकारी दफतरें ते स्कूलें कालजें वगैरा च बी कराई जाहग।

<><><><><><>

UN -Bangladesh

संयुक्त राष्ट्र दे महासचिव एंतोनियो गुतेरश हो'रें बांग्लादेश पर बददी हिंसा पर
ढूंगी चिंता जाहिर करदे होई इस गल्ला पर जोर दिता जे सारे अल्पसंख्यकें गी
सुरक्षित महसूस करना चाईदा। संयुक्त राष्ट्र नै बांग्लादेश च हिन्दु गी भीड़
आस्सेआ बेरहमी कन्नै मारने सनें हाल दे हमलें पर चिंता जताई ऐ। संयुक्त
राष्ट्र नै आक्खेआ जे बहुसंख्यक समुदाय कन्नै संबंध नैई रखने आहले लोकें दी
राखी कीती जानी चाईदी। श्री गुतेरश हो'रें मोहम्मद युनुस हुन्दी अगुवाई आहली
सरकार च भरोसा जाहिर कीता। उ'नें आक्खेआ जे मोहम्मद युनुस हर इक
बांग्लादेशी गी सुरक्षित रखने आस्तै कम्म करडन। साबका प्रधानमंत्री शेख
हसीना हुन्दी पिच्छले वरे अगस्त महीने च बर्खास्तगी मगरा राजनीतिक अशांति
बदने दे मगरा हिंसा च बाद्दा होआ ऐ। हिंसा च होई दी हाल दी बढ़ोतरी नै
चिंता बदाई दिती ऐ।

<><><><><><>

Bangladesh HC

नमी दिल्ली स्थित बांग्लादेश उच्चायोग नै मौजूदा स्थिति दे मददेनज़र वीज़ा
जारी करने सनें सारी कांसुलर सेवाएं गी अस्थायी तौर पर निरस्त करी दिता ऐ।

बांग्लादेश दे विदेश मामलें दे मंत्रालय दे अधिकारियें मूजब अगले नोटिस तक्कर एह निलंबन जारी रहौंग। बांग्लादेश दे इक प्रमुख दैनिक द बिजनेस स्टैंडर्ड नै सोमवारे इस खबर दी तस्दीक कीती ही।

<><><><><><>

ISRO Launch

अमरीका दा ए.एस.टी .स्पेस मोबाइल ब्लू Bird ब्लॉक 2-संचार उपग्रह कल मुकामी समे मूजब बडलै 8 बज्जि 54मिनटे पर आई.एस.आर.ओ आस्सेआ एल.वी.एम-3 -एम 6रॉकेट राएं लॉन्च कीता जाग। एल.वी.एम 3-दी एह 6मीं परिचालन डोआरी इक समर्पित वाणिज्यिक मिशन ऐ।

एह सैटेलाइट गी घरती दी हेठली कक्षा च स्थापित करोग। ब्लू बर्ड ब्लॉक2-घरती दी हेठली कक्षा ते भारत दे एल.वी.एम 3-आस्सेआ लॉन्च कीता गेदा सबने थवा भारी पेलोड ते सब्बनै थवा बड्डा वाणिज्यिक संचार सैटेलाइट होग। एह सैटेलाइट ए.एस.टी .स्पेस-मोबाइल दी अगली पीढ़ी दी प्रणाली दा हिस्सा ऐ। एह सैटेलाइट खास करी हार्डवेयर बगैर मानक स्मार्ट फोन आस्तै प्रत्यक्ष सेल्युलर ब्रॉडबैंड दी सेवा प्रदान करेग। इसदा मकसद अंतरिक्ष कन्नै सीधे वैश्विक-4 जी-5/जी कनेक्टिविटी, कॉल दी सक्षम बनाने, वेब पुज्ज ते वीडियो सेवा प्रदान करना ऐ। एल.वी.एम 3-इसरो आस्सेआ विकसित त्रै चरणों दा लॉन्च व्हीकल ऐ। एल.वी.एम 3-नै इसदे थवा पैहले चंद्रयान2-, चंद्रयान 3-ते वनवेब मिशनं गी लॉन्च कीता ऐ।

<><><><><><>

US Greenland Takeover

अमरीका दे राष्ट्रपति डोनाल्ड ट्रम्प होरें आक्खेआ ऐ जे अमरीका गी खनिज नेई सगुआं राश्ट्रीय सुरक्षा आस्तै ग्रीनलैंड दी लोड ऐ। उने घोषणा कीती जे उन्दे विशेष दूत इस कम्मै दी अगुवाई करडन। राष्ट्रपति ट्रंप होरें लुइसियाना दे गवर्नर जेफ लैंड्री होरें गी ग्रीनलैंड दा विशेष दूत नियुक्त कीता ऐ। इस करी अमरीकी नियंत्रण दे कुसै बी विचार गी खारिज करदे होई डेनमार्क ते ग्रीनलैंड नै इसदी निन्देआ कीती ऐ। राष्ट्रपति ट्रंप होरें आक्खेआ जे इस क्षेत्र च रूसी ते चीनी जहाजें दी मौजूदगी करी ग्रीनलैंड दी थाहर महत्वपूर्ण ऐ। डेनमार्क दी प्रधानमंत्री मेटे फ्रेडरिकसन ते ग्रीनलैंड दे प्रधानमंत्री जेन्स-फ्रेडरिक नील्सन होरें आक्खेआ ऐ जे ग्रीनलैंड इत्थुआं दे लोकें कन्ने सरबन्ध रक्खदा ऐ। इसदे पर कोई होर अपना अधिकार नेई जमाई सकदा। जेन्स-फ्रेडरिक नील्सन होरें आक्खेआ जे ग्रीनलैंड अपना भविष्य आपू तय करोग। अमरीका दा हिस्सा बनने पर ग्रीनलैंड दा खुले तौर पर समर्थन करदे होई गवर्नर जेफ लैंड्री होरें अपनी भूमिका साफ कीती। इस गें कन्नै कूटनीतिक तनाव बदी गए न। डेनमार्क नै अमरीका दे राजदूत गी सद्देआ ते इस नियुक्ति गी नामंजूर दस्सेआ।

<><><><><><>

Women t -20

महिला क्रिकेट च, भारत ते श्रीलंका बश्कार 5 मैचें दी टी 20-श्रृंखला दा दुआ मैच अज्ज विशाखापत्तनम दे डॉ .वाई .एस.राजशेखर रेड्डी ए.सी.ए.-वी.डी.सी.ए स्टेडियम मे खेला जाएगा।

मैच मुकामी समें मूजब संज्ञा 7 बजे शुरू होग। मेजबान टीम नै श्रृंखला च 1-0 दी बढ़त बनाई लैती दी ऐ। कप्तान हरमनप्रीत कौर दी अगुवाई आहली भारतीय टीम नै पिछले एतवारें विशाखापत्तनम च खेडे गेदे पैहले टी 20-मैच च श्रीलंका गी 8 विकेट कन्ने हराया हा।

<><><><><><>